



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

§.2dus. De præparatione ante Sacrum, & gratiarum actione ac
recollectione post Sacrum.

Nutzungsbedingungen

[urn:nbn:de:hbz:466:1-54780](#)

Eucharistico meminerunt se in statu viæ esse, & ad patriam cælestem, cuius figura erat terra promissionis, unicè anhelant.

§. 2dus.

De preparatione ante Sacrum, & gratiarum actione ac recollectione post Sacrum.

QUOD Eccli 33, dicitur: *In omnibus operibus tuis præcellens esto, id vel maximè, dum Sacrum legendum, aut sacra sub eo synaxis adeunda, observandum est; quia nullum à celebraturo aut communicaturo præ his duobus majus aut excellentius opus per totius vitæ decursum tractari potest.* Inter preces vocales in maxima copia impressas maximi semper facio communes Ecclesiæ preces; & hinc ante Missam me præparatus iis utor, quas in Missalis initio mihi offert Ecclesia, & sibi ex Script. sacra & SS. PP. adoptavit. Inter quarum persolutionem simul communionem Sanctorum sive meritorum à Sanctis Dei collectorum communicationem, & applicationem à Deo mihi expeto. Et quia Sacrificium Missæ repræsentatio est misteriorum Vitæ, Mortis, Resurrectionis & Ascensionis D. N. I. C. in cælum. Hinc orationi [quæ pro quolibet hebdomadæ die in Missali ante Sacrum assignatur recitanda] subjungo pariter unam ex orationibus sequentibus.

Pro

Pro die Lunes.

Offerotibi, mi Deus, ad honorem & gloriam
tua Majestatis in omnium salutem altum illud
mysterium incarnationis unigeniti filii tui juxta
eternum tuum decretum pro omnium redemptione.
Insuper novem istos menses, quibus in purissimo glo-
rissime Virginis habitat utero, & speciatim filii tui
in hoc mysterio caritatem, humilitatem, obedi-
tiam. Sicut & ardentem B. V. caritatem, hun-
ilitatem, promptitudinem, quam laboriosum illud
suscepit iter in montana, ut Elisabetha famula tua
inserviret. Item humillima obsequia, quibus sua
cognata per tres menses inservivit. Peto per ejus
merita perfectam caritatem, & promptitudinem
ad inserviendum proximo meo amore tui in necessi-
tatis corporalibus & spiritualibus.

Pro die Martis.

Ofero tibi mi Deus præsentationem filii tui in
templo, & humilitatem B. V. quam Virgo pu-
rissima comparere voluit, quasi purificatione in-
digeret; Item dolorem illum, quem Virgo sensit
ad hac Simeonis verba. Tuam ipius animam per-
transibit gladius. Peto per Christi merita, & be-
neditæ ejus Matris intercessionem veram obedi-
tiam, & genuinam mei ipsius cognitionem. Of-
fero simul laboriosam JESU, Mariae, & Josephi in
&gyptum fugam, longam itineris molestiam,
extremam paupertatem, aliasque arumnas, quas
ibidem

ibidem per septennium exanimarunt, internumque dolorem ac compassionem Mariae & Josephi videntium Iesum vix natum ad necem queri: petoque, ut simili semper, teneroque devotionis affectu erga Iesum meum serar.

Pro die Mercurii.

Offero tibi mi Deus 40. dierum jejuniura, sum, fumem, inter sylvestres feras habitacionem, & hunc cubationem Salvatoris mei, sparsas ex purissimis ejus oculis ardentissimas pro mundi salute lacrymas, orationes, molestas Demonis tentationes superatas, & post egressum ex solitudine sudores, labores, itinera odia, & adversa, qua pertulit. Et per hac omnia, quorum unumquodque infiniti erat meriti, peto passionum & temptationum mearum victoriam, penitentia & orationis studium, zelum animarum, & magnanimum atque Apostolicum spiritum.

Pro die Jovis.

Offero tibi mi Deus infinitum erga humanum genus amorem IESU mei; dum nocte, antequam traderetur, corpus & sanguinem suum ei in Eucharistia Sacramento per modum testamenti transcripsit. Offero agonem, quem in horto Gethsemani fuso copioso ex omnibus venis sanguine pertulit; contumelias ibidem & in domo Anna & Caiphaei illatis, percussiones, colaphos, calcum iclus, catenus, quas sustinuit; dolorem, quem

Solide devotionis exercitia, 49

quem ex Apostolorum fuga, Petri negatione, Iude
preditione, Caipha sententia sensit. Infanda quæ
sterius passus est, velamen, quo ejus oculi fuere
velati, irrisiones apud Herodem, accusationes
apud Pilatum, &c. Et per hæc omnia peto recipro-
cum ac debitum ex parte mea amorem JESU mei,
solatium in angustiis & afflictionibus meis, forti-
tudinem in adversis, mundi contemptum, resig-
nationem in divinam voluntatem, promptamque
obedientiam.

Dic Veneris.

Ofero tibi mi Deus inter spineam coronati-
onem, illusionem, inter clamores: Tolle,
tolle, crucifige, inter flagellationem, contumelio-
sam crucis bajulationem & crucifixionem, JESU
mei mansuetudinem. Et per hæc omnia peto amo-
rem Crucis, constantiam in divino servitio, imi-
tationem mansuetudinis erga hostes, contumelias,
vel etiam acerbiora mihi inferentes. Demum
gratiam amarè defendi peccata propria & aliena.

Die Sabbathi.

Ofero quinque sacra JESU mei vulnera, latus
eius per fostrum, sacratissimum inde cum aqua
effusum sanguinem reliquum, doloris gladium,
qui ideo pertransivit animam benedictæ ejus Ma-
ris. Ofero septem ultima in Cruce verba cum
infinito erga Deum & homines amore prolata.
Demum horas, quibus in Cruce pependit, & in
sepul-

sepulchro jacuit. Et per hac omnia peto continuam passionis sacrosancta memoriam, veniam pro omnibus meis sensualitatibus, & corporis blandimentis, demum singularem erga sacra quinque vulnera devotionem, in iisque fiduciam usque ad ultimum vita halitum.

Dic Dominica.

Offero animarum è limbo liberationem, resurrectionem Redemptoris mei, cum Discipulis ac Apostolis amabilem in splendido ac immortali corpore conversationem; demum gloriosam in calos ascensionem; & Spiritus sancti super congregatos Discipulos missionem. Et per hac omnia peto constantem à jugo Diaboli liberationem, ex veteri Adam resurrectionem, novi hominis inductionem; ut dignum fieri merear habitaculum Spiritus sancti.

Omni die subjungitur Oratio Ecclesiae. Ego volo celebrare Missam, &c. & Oratio Chrysost. Domine Deus emitte manum tuam de S. habitaculo tuo, & corroborame ad propositum mysterium tuum, ut citra condemnationem assistam metuendo Altari, & immaculatum Sacrificium peragam.

Dein ante & post Missam prorumpere potes in affectus sequentes.

Adoro te mi Deus, & quia nimis vilis est adoratio mea. Offero tibi adorationes, quas incessanter tibi faciunt sacra Christi humanitas, B. V. & Sancti in Ecclesia in celis triumphante, & in terris militante.

Amo

Solidae devotionis exercitia. 47

Amo te mi Deus &c. Et amorem meum exiguum
unio cum amore, quo tu te ipsum ab eterno in eternum
amas, quo Christi humanitas, benedicta ejus
Mater, omnes Calites, Et omnes in universum viri
sancti ac boni te prosequuntur, Et in eternum pro-
sequentur.

Dolco de peccatis meis &c. Et in vicem imper-
felli mei doloris offero tibi mi Deus amaram con-
victionem, quam sancti pœnitentes David. Petrus,
Magdalena, &c. de suis peccatis habuerunt, dolo-
remque infinitum, quem Christus in horto de pec-
catis nostris habuit; ut ideo ex omnibus venis ag-
poris facer ejus sanguis proruperit.

Ofero tibi mi Deus in satisfactionem pro pecca-
tis meis opera, labores, ardua objeta. Pudet circa
ea que passus sum, quod tam parum, Et tam im-
perfectè tui causâ aliquid periculerim. Ut autem
meliorem tibi satisfactionem presentare possim,
interpono merita passionis ac mortis Salvatoris mei,
B. M. V. omniumque Sanctorum. Per quae peto,
ne sine condignâ moriar pœnitentiâ.

In unione amoris & intentionis, quaute ipsum
in Christe IESU in ultima Cœna & in Cruce Deo
Patri obculisti, offero tibi hoc Sacrificium, Et in
locum exiguae mee preparationis adjungo carita-
tem, puritatem B. V. Mariæ tue, Et omnium
Sanctorum.

Da mihi Deus meu fidem vivam, cherubicum
ardorem, reflexionem continuam ad sacrosanctâ,
que peralturus sum, mysteria, Et à distractione omni
liberationem. Vivaciter mihi imaginor, quod
sem ad montem Calvarie, idem quod ibi cruen-

tum peractum est , facturus Sacrificium . Dein suspirium fiat 1. ad B. V. ut , quemadmodum illa filio suo in Cruce pendenti constanter adstitit , ita & tibi celebranti assistat . 2. Ad omnes SS. Patronos tuos , & Sanctum , cuius festum agitur , ut juvent suâ apud Deum intercessione intentionem & vota tua . 3. Idem petatur ab Angelis Sacrificio adstitutis , quod quoque magnam in te reverentiam & attentionem excitare debet .

Post Sacrum.

IN recessu ab Altari imaginetur sibi Sacerdos , se vivum esse venerabile , cum intra se Christum habeat . Hinc ne faces ardentes in honorem Venerabilis accendi solite desint . Rogetur Christus & B. Virgo , ut admittant Sacerdotem inter beatos illos amplexus , quibus alter alteri junctus est in primo instanti Dominicæ Incarnationis . Offerantur simul desideria Patriarcharum , Prophetarum , Apostolorum , Martyrum , Confessorum , Virginum , & omnium ex novem chorus Angelorum ; specialiter Angeli Custodis tui , SS. Josephi & Joannis Baptistæ , aliorumque à te in Patronos electorum & omnium Sanctorum .

Dum vestes Sacerdos exuit , prorumpat in affectus & orationibus , quas ante Sacrum induendum recitavit ; & mysteriis , quæ per albam , stolam , manipulum , cingulum , casulam significantur , accommodatos . Dum lavat digitos ,

gitos, spondeat Christo, se toto die memorem fore Sacrificii peracti, & beneficii præstiti. Et licet vestes Sacerdotales deposuerit, se tamen non obliturum characteris sui, novasque animæ sordes evitaturum. Dein dolens, quod in medio igne, quem intra viscera modò habet, algeat; & gaudens (quod in malo igne mundi & carnis positus non comburatur) dicat cum summo fervore, & proposito millies potius moriendi, quam idolum adorandi, hoc est, carni, mundo serviendi, canticum puerorum cum Antiphona & precibus in Missali additis, quæ semel pro semper debent sciri de memoria. Post hæc eliciantur mentaliter affectus fidei, spei, charitatis, contritionis, prout hic cap. secundo de Confessione exposui. Post hos affectus artipit, si non physicè saltem in spiritu crucifixus, & per osculum SS. vulnerum pedum petitur visitatio peccatorum. Per osculum manuum constantia in virtute. Per osculum oris pax & concordia propriæ voluntatis cum divina. Per sacram latus intratur in cor JESU, & mentaliter cum affectu fervente percurruntur notæ illæ preces: *Anima Christi. O Deus ego amo te. Suscipe Domine universam meam libertatem.* Dein formula votorum *Omnipotens sempiterne Deus.* Inter hæc suspiria advertendum est, quod tu non tantum cum Deo loqui debeas, sed etiam advertere; an ipse tibi ad cor loquatur. Sicut dum magnus Princeps te invisit, etiam audis & quidem cum submissione debitâ, quid ipse jubeat, quam gratiosum se ostendat. Post hæc

prorumpit in affectus indicatos per verba sequentia: *Toto me, toto te, toto universo, toto hodie volo facere & pati mi Deus, quod vis, quia vis, & quomodo vis.* Insuper sincere hodie agam cum Deo & hominibus. Diligo ex animo inimicos meos, eosque quantum in me est, ex amore Dei purissimo volo beneficiis obruere. Cum gratia Dei hoc illud arduum agam, patiar; in hoc illo alias mibi difficillimo me vincam. Demum cordi Jesu commendando confratres, consanguineos meos in statu peccati mortalis, item in carceribus, in angustiis, miseriis constitutos, & praecipue duas classes, quae se ipsas juvare non possunt. Scilicet pueros, qui hodie in periculo erunt, ne baptismum accipient, & animas Defunctorum, meorum Consanguineorum, Benefactorum, Confratrum in Christo, amicorum, & quorumcumque aliorum, etiam eorum, pro quibus minime oratur. Ut vi presentis Sacrificii, quod obtuli, & indignarum precium mearum in unione thesauri infiniti meritorum Ecclesiae à Christo Sponsæ suæ concreti, in pennis levamen sentiant, & una Deo bene visa ad beatificam visionem admittatur. Si haec NB. indies ferventer petas. An non spes summa est? ut una saltet per te anima pueri baptizati salva fiat, & alia ed citius ex purgatorio liberetur. Quae in celo postmodum benefactorem suum in Deo velut speculo videns & pro te, quam diu Viator es, erit sollicita, & per totam deih aeternitatem tibi gratias ager. An non haec est merces operi magna nimis?

Solida devotionis exercitia.

51

His omnibus ritè peractis possunt subjici ex Missali una Oratio S. Thomæ Gratias tibi ago,
Ec. & altera S. Bonaventuræ Transfige dulcissime Domine JESU. Item pro varietate una ex infra adferendis cum clausula sequente.

In satisfactionem omnium defectuum o Domine
JESU Christe commissorum in opere hoc, quo
præstantius tota vitâ facere non possum, offero tibi
per manus benedictæ Matris tuae primarias ejus-
dem, in vita hac mortali actiones, adherentiam in
tui conceptione, blanditas caritatis in annuncia-
tione, devotionem ac pietatem in nativitate, hu-
militatem in purificatione, Et tui ipse in templo
oblatione, indifferentiam in fugâ in Egyptum,
affectionem & sollicitudinem in tui inventione in
templo, curam & tenerrimum affectum in tui edu-
catione, sanctissimam ejus tecum conversationem,
conformatatem cum voluntate Patris aeterni in mon-
te Calvarie, zelum in derestatione peccatorum,
sunt in præstatione paracliti, virtutes denique
innumeræ, sanctissimam ejus mortem, & omnia
ejus, & totius sanctæ Ecclesie merita.

Aliqui Sacerdotes solent ante Sacrum orare
Primam, dein ea quæ serviant pro præparatio-
ne. Post Sacrum persolutis iis, quæ hic attuli,
vel immediatè post adferam, recitare reliquas
minores horas. Tu fac quod voles. Bonum
tamen erit, si medianam horam pro Sacro com-
putando per quadrantem deinde unum ante, &
per unum post Sacrum, per preces sive vocales
sive mentales Deo unitus maneas. Ne objice-
re tibi possit Dominus, in tam tremendo occu-

C 2

pato

§2. Pars tertia

pato Sacrificio. Non potuisti unâ horâ vigilare
mecum ? Matth. 26,

Orationes (quarum unam alteramve post Sacrum
vel mentaliter vel vocaliter orare soleo) parum
hominibus Societatis partim aliis accommo-
datae sunt, & sunt sequentes.

Ad Deum Patrem.

Deus, qui nos à seculi vanitate conversos,
ad bravium supernæ vocationis accendis,
pectoribus nostris purificandis illabere, & gra-
tiam nobis, quā in te perseveremus, infunde;
ut protectionis tuæ muniti præsidiis, quod te
donante promisimus, impleamus: & nostræ
professionis executores effici, ad ea, quæ per-
severantibus in te promittere dignatus es, per-
tingamus.

Ad Dominum Jesum.

Dignare benignissime JESU, per hoc san-
ctum nomen tuum, esse mihi Jesus, &
dare mihi spiritum Societatis Jesu. Insere, quæ-
so, cordi meo hoc amabile nomen tuum, ut
ejus dulcedine pascar, ejusque amore ita ardeam,
ut moriar in te JESU mi dulcissime, JESU mi sua-
vissime, JESU mi dilectissime, invocato sem-
per hoc jucundissimo, hoc mellifluo, hoc sa-
lutifero nomine tuo JESU, JESU, JESU.

Ad Spiritum Sanctum.

Deus, qui renuntiantibus seculo mansiones
paras in cælo, dilata omnium nostrorum
corda

Corda cælestibus bonis, ut fraternâ teneamur compagine charitatis, unanimis præcepta custodiamus, sobrii, simplices, & quieti, gratis datam nobis professionis gratiam fuisse cognoscamus. Concordet nostra vita cum nomine, & professio sentiatur in opere. Qui cum Deo Patre, & Filio ejus Domino nostro vivis & regnas in sæcula sæculorum.

Ad beatam Dei Genitricem.

Ordi, quæsumus, tibi sit Maria Virgo, Dei mater optima, universi Ordinis nostri simulatus: omnibus nobis impetta cor secundum cor Filii tui dilectissimi: ut qui nos ad Societatem ipsius vocatos esse lætamur, opem, gratiamque nobis, te intercedente, sentiamus adesse perpetuam. Amen.

v. Ora pro nobis Beatissime Joseph.

v. Ut digni efficiamur promissionibus Christi.

Antissimæ Genitricis tuæ Spotti, quæsumus Domine, meritis adjuvemur: Ut quod possibilitas nostra non obtinet, ejus nobis intercessione donetur. Qui vivis & regnas in sæcula sæculorum. Amen.

Pro Spiritu S. P. N. impetrando.

Excita, Domine, in Societate tua Spiritum, cui B. Ignatius Confessor tuus servivit: ut eodem nos repleti, studeamus amare, quod amavit, & opere exercere quod docuit. Per Dominum nostrum Jesum Christum Filium tuum, qui tecum vivit & regnat in unitate ejusdem Spiritus sancti Deus, per omnia sæcula sæculorum. Amen.

*Ven. Servi Dei Petri Canisi Soc. JESU Theologi,
Formula precandi pro se, & pro aliis,
in Societate.*

Exue me, Domine, veterem hominem, cum affectibus & inclinationibus malis, quibus me obnoxium esse nosti. Indue me novum hominem, quem haec sancta requirit vocatio, at de die in diem renover, cum ardentis desiderio & constanti studio in solidis virtutibus, quae mihi desunt, proficiendi. Ne permitte me, Domine, graviter & periculosè tentari, praesertim circa vocationis gratiam. Da in adversis animi fortitudinem ad resistendum & vincendum. Concede perseverantiae donum, ut usque ad mortem tibi fidelis existam. Auge in me gratiam, promissa vota ritè praestandi, ut paupertas verè simplex, & Angelica castitas in me vigeant nec minus interior, quam exterior obedientia me totum sibi vendicet; tibique gratum, assiduum, & perfectum præbeat ad holocaustum. Amen.

Miserere mei Pater misericordiarum, quod in saeculo & religione tuam sapè offenderim Majestatem, tuis adhuc beneficiis ingratus, in cursu meæ vocationis tepidus, veritimoris & amoris expers, nec sollicitus, ut ad tuam gloriam, & meam salutem sincerè omnia conferam. Aperias mihi oculos, quæso, ut videam, & vires augeas, ut possim, & voluntatem simul impellas, ut velim in via tua, & vocatione mea progressus debitos facere, atque ad proposi-

tum

tum mihi scopum rectè contendere , nimirum
mei ipsius , & proximi salutem atque perfectio-
nem semper impensè procurando. Fiat in me,
& de me , ubicunque verser , & quicquid pa-
tiar , voluntas tua bona , beneplacens & per-
fecta. Sanctificetur in me Nomen tuum san-
ctum , ut bona Majorum meorum exspectatio-
ni satisfaciāt , ac particeps demum fiam justo-
rum omnium , cùm in Ecclesia Catholica , tum
in Societate hac tibi placentium , imò & in cæ-
lesti patria triumphantium. Per JESUM Christum
Dominum nostrum , Amen.

Miserere nostrorum Parentum , ac Majorum
omnium spiritualium. Fac , Domine , ut illi
juxta Spiritum tuum sapient , & prudenter sub-
ditos regant , nosque verè obedientes filios esse
gaudeant.

Miserere amicorum & patronorum nobis,
nostræque Societati , tum in spiritualibus , tum
in temporalibus rebus fideliter assistentium.
Tuere eos ab omni malo , nec solum in vita , sed
post mortem etiam , ut te pro nobis munificum
sentiant remuneratorem.

Miserere Societatis nostræ , quam plantavit
dextera tua , ut ipsa sicut arbor fœcunda magis
magisque crescat in toto orbe terrarum , ac
gratis tibi fructibus abundet semper in horto
Ecclesie tuæ.

Miserere defunctorum , sive fratrum & bene-
factorum , sive externorum & Catholicorum om-
nium. Dona eis , Domine , in tenebris lucem , in

pœnissimam requiem, & in regno tuo beatitudinem sempiternam, Amen.

Miserere discipulorum, & filiorum spirituum, quos ubique gentium Societati nostræ instruendos, gubernandos, & adjuvandos tradidisti. Confirmata in illis, Domine, bonum semen, ut in litteris, moribus, atque virtutibus magis magisque proficiant, & à Nostris recte & feliciter curentur.

Miserere Patrum ac Fratrum in sua vocatione stantium, ut per te in recto virtutum cursu confirmentur. Miserere item mutantium atque claudicantium, ut potenti spiritu tuo adjuti, & consolidati, neque ad dexteram, neque ad sinistram declinet.

Miserete quoque lapsorum, ut desertores filii ex apostolice statu resurgent, & priorem vocationis suæ gratiam agnoscent, tibi per veram pœnitentiam reconcilientur.

Miserere inimicorum, & aperte vel occulte nos, ac Societatem nostram persequentium. Non illis hoc imputes in peccatum, sed illis gratiam tuam, & resipiscientiam, ac charitatem veram impariatis, per IESUM Christum Dominum nostrum, Amen.

Miserere schismaticorum & hereticorum, ut ad Ecclesiam redeant unitatem, & relictis errorum umbbris, Catholicæ doctrinæ lucem nobiscum fideliter amplectantur.

Miserere peccatorum, qui mundo, carni, satanæ potius, quam tibi Deo vero & vivo serviant, & ad perpetuæ mortis portas percurrunt.

Con-

Solidæ devotionis exercitii. 57

Converte illos, Domine, ad viam penitentiae,
& mortuis vitam gratiae restitue, nè alioquin in
peccatis suis morientes, à tua gratia & gloria per-
petuò separentur. Amen.

Oratio R. P. Canisii post Sacrum.

Dens, qui novos Operarios ad Ecclesiæ tuæ
tuæ vineam subinde mittis, immensæ Bo-
nitiati tuæ gratias ago, quod per Servum tuum
S. Ignatium hanc tuam Societatem mirabiliter
erexisti, & erectam latè in orbe propagasti, mé-
que licet indignum illius participem facere vo-
luisti; auge in me germanum spiritum, qui
primùm in hujus instituti Principe viguit, &
concede, ut, quotquot ejusdem Corporis mem-
bra sumus, secundum quod ille docuit, amori
proprio moriamur, & in obedientia perfecta
fundati in vinea tua frugiferos palmites profera-
mus, cunctaque ad majorem Nominis tui glo-
riam sincerè convertamur. Ejusdem S. P. N.
suffragantibus meritis, & virtute Divini Sacri-
ficii Corporis & Sanguinis tui adjuvemur, ut ab
Evangelicæ perfectionis norma non deflecta-
mus, tibi que secundum illius exemplum, ac le-
ges fideliter inserviamus, ac deum solidas bo-
ni Religiosi virtutes, quas passim à suis ille exi-
git, ad mortem usque præstemus, Amen.

Oratio formulæ votorum à S. P. N. concinnata,

*pau'o fusiù ad majorem ejus intelligentiam
instillandam, & fervorem in divino*

servitio acuendum, deductæ.

Domine Deus, quod tepidè ac imperfectè
serviamus tibi, votaque tibi facta non cum

C 5

ea,

ea, quâ par est, exactitudine obseruemus. Pro-
venit utique ex defectu debitæ reverentia, &
timoris salutaris, condignæ item & solidæ esti-
mationis præmiorum à te nobis promissorum
per totam retro æternitatem; & genuini erga
te summum bonum amoris. Hæc ut à nobis
averteret, vel etiam à recta via aberrantes re-
vocaret S. Fundator noster Ighatius, formulam
votorum inchoat ab his verbis: *Omnipotens sem-
piterne Deus.* Nam te quâ omnipotentem uti-
que timere debedo; quia, aperiente te manum
tuam, & Omnipotenti gratiâ tuâ assistente, ani-
mam meam imples bonitate; avertente autem
te hanc gratosam faciem tui habitur anima mea;
& ex summo etiam perfectionis apice in profun-
dissimam peccatorum abyssum decidet.

Quâ æterno autem, & in æternum conse-
quenter præmianti cum omni fidelitate me ala-
triter ac fideliter tibi dedicare; quâ Deo, sive
summo ac infinito bono, tibi ardentissimo amo-
ris nexu conjungi debedo. Imò & hæc tria di-
vina prædicata tua me ad continuum humilita-
tis erga te, fiduciæ in te, desiderii ferventis tibi
perfectè serviendi exercitium incitare quâm ma-
xiimè debent. *Hinc ego licet undecunque ob in-*
numera peccata mea, divino conspectu tuo indig-
nissimus, fretus tamen pietate ac misericordiâ tuâ
infinitâ; & fiducia Ignatiana [vi cuius mihi à
parte mea itâ laborandum est, ac si soli omnia
conficienda sint, & post hæc itâ in te confidere
debedo, quasi tu solus omnia peracturus sis]
Et impulsus vivido quodam mentis ardore, qui
omnem

omnem eodem S. Ignatio inculcante temorem
eliminet, tibi serviendi desiderio voveo coram fa-
ciatissima Virgine Maria immaculatè concepta,
mihi à te in Matrem data, Et curia tua celestis
universa Angelis & Sanctis (quos omnes in Pa-
tronos eligo, & in testes eorum, quæ voveo,
assumo, speroque ab iis in extremo judicii die
non ut stultum aut infidelem promissorem con-
fandendum) divina Majestati tuæ, coram qua
tremunt Angeli & Archangeli; Paupertatem,
castitatem, Et obedientiam perpetuam. Tu Do-
mine da gratiam; ut non tantum nunquam
contra hæc vota religionis substantialia delin-
quam; sed ut in virtute quoque Apostolicæ
paupertatis, Angelicæ castitatis, genuinæ à S.
Patre meo, in aurea sua de obedientia, epistola,
inculcatæ obedientiæ me quotidie perficiam;
& quidem in Societate JESÙ. Quæ ad perfe-
ctiones has allequendas uberrima subministrat
media. Insuper promitto quarto voto addito;
eandem Societatem, ad quam præ tot millibus
ex peculiari gratia vocasti, me ingressurum, ut
vitam in ea perpetuò degam juxta ipsius Societatis
constitutiones; quibus me exactè quoad omnia
conformare volo sciens, quod non aliam à me
perfectionem operaque alia, quam his consti-
tutionibus conformia à me expetas. Et licet
voto obedientiæ obstrictus ad id tenerer, vi ta-
men peculiaris hujus quarti voti me ultroneè &
sponte obligo ad gradum illum in Societate ac-
ceptandum, & quidem tunc; quem & quan-
do ejusdem Præpositus Generalis mihi assigna-
bit:

bit: Atua ergo immensa bonitate ac clementia per IESU Christi sanguinem, tanquam fortissimum, gratiam petitam, mihi dandi motivum; peto suppliciter: Ut hoc holocaustum [vi cuius nihil prorsus mihi telinquo, per paupertatem bonis omnibus extensis, per castitatem corpori ac carni, per obedientiam iudicio proprio, propriaeque voluntati emoriens] in odorem suavitatis (sicut olim Sacrificia ac holocausta tibi à SS. Patriarchis oblata) admittere digneris in unione holocausti cruenti, quod Dominus Jesus in Cruce obtulit, & incrtienti, quod indies in Missa tibi offertur: Et ut largitus es ad hoc desiderandum & offerendum ex pura erga me indignum misericordia & amore: Sic etiam ad exemplum, in quo cardo æternæ felicitatis metæ vertitur. Gratiam uberem sive congruam (praeservando ab iis occasionibus, in quibus me fore scđifragum prævidisti, & donando gratias in illis circumstantiis, in quibus me consensurum prævidisti) largiaris, Amen.

Suspiria S. Francisci Xaverii, sive oratio ejus O
Deus ego amo te, Rhymicè orari
potest hoc modo.

Ut te colam Deus meus - Non me moveat terror tunc
manus, vibrantis fulmina. Nec horror ignis tartari
Uentiis æternum reos. - Tu me Deus per te moves
tu Christe transfixus trahis. - Crux urget, incendit
cuer
JESU tuis plagiis fluens. - Si cesset inferni metus,
Tollatur & spes glorie. - Ego tamen mi conditor
Te doliibus captus tuis. - Te nūnen adorans meum
Subli-

Solide devotionis exercitia. 61

Sublimis sanctum providum - Amore gratis pro-
seguar.

Te Christe te Fili Dei - Te Virgo, proles virginis
Mansuetate, fortis, innocens - Dignate pro nobis mori
Gratis merentem diligam;

Oratio alia S. Xaverii.

A Terne rerum omnium effector Deus, me-
mento abs te animas infidelium, hæreti-
corum & peccatorum procreatás, easque ad
imaginem & similitudinem tuam conditas. Ecce
Domine in opprobrium tuum his ipsis infernus
impletur. Memento JESUM Filium tuum pro
illarum salute atrocissimam tubiissè necem. Noli
quæso Domine ultra permettere; ut Filius tuus
ab infidelibus contemnatur: sed precibus san-
ctorum electorum tuorum, & Ecclesiæ sanctissi-
mæ Sponsæ ejusdem Filii tui placatus, & obli-
tus idolatriæ, obstinatæ hæresis, & deterri-
mæ ingratitudinis eorum effice; ut & ipsi ali-
quando agnoscant, timeant, ament ac revereant-
tur, quem misisti D. N. JESUM Christum, in
quo est salus, vita & resurrectio nostra, per
quem salvati & liberati sumus: cui sit gloria per
infinita sæcula sæculorum, Amen.

Possunt etiam decerpī ex Missali (quia s' ut s' p' dico, magna est fiducia ponenda in communibus
toti Ecclesiæ precibus) Collectæ variae, v.g.

O Mnipotens sempiterne Deus, qui vivorum
dominaris simul & mortuorum, omnium-
que misereris, quos tuos fide & opere futuros
esse prænoscis. Te supplices exoramus, ut pro
qui-

quibus preces effundere decrevimus, quosque vel praesens saeculum adhuc in carne retinet, vel futurum jani exutos corpore suscepit, intercedentibus omnibus Sanctis tuis, pietatis tuae clementia, omnium delictorum suorum veniam consequantur. Per Dominum, &c.

Purifcent nos quæsumus omnipotens & misericors Deus Sacra menta, quæ sumpsimus, & intercedentibus omnibus Sanctis tuis praesta, ut hoc tuum Sacramentum non sit nobis reatus ad poenam, sed intercessio salutaris ad veniam, sit ablutio scelerum, sit fortitudo fragilium, sit contra omnia mendi pericula firmamentum, sit vivorum atque mortuorum fidelium remissio omnium delictorum. Per Dominum, &c.

Pro omni gradu Ecclesie.

Omnipotens semperne Deus, cuius spiritu totum corpus Ecclesiae sanctificatur & regitur. Exaudi nos propitius pro universis ordinibus supplicantes; ut gratia tuæ munere ab omnibus tibi gradibus fideliter serviatur. Per Dominum, &c.

Pro congregatione & familia.

Defende quæsumus Domine, beatâ Mariâ semper Virgine intercedente istam ab omni adversitate familiam, & toto tibi corde prostratum ab hostiis propitius tuere clementer insidiis. Per Dominum, &c.

Pro quaunque necessitate.

Sumpsimus Domine sacri dona mysterii humiliiter deprecantes, ut quæ in tui commi-
nera-

Solidae devotionis exercitia. 63

morationem nos facere præcepisti, in nostræ proficiant necessitatis auxilium. Per Dominum,

Pro Tribulatis.

Deus qui justificas impium, & honoris vis mortis peccatorum: Majestatem tuam suppliciter deprecamur, ut famulos tuos de tua misericordia confidentes cœlesti protegas benignus auxilio, & assiduâ protectione conserves, ut tibi jugiter famulentur, & nullis temptationibus a te separentur. Per Dominum, &c.

Pro Defunctis in genere.

Hostias quæsumus Domine, quas tibi pro animabus famulorum familiarumque tuorum offerimus, propitiatus intende, ut quibus fidei Christianæ meritum contulisti, dones & præmium. Per Dominum,

Pro Defunctis, Propinquis & Benefactoribus.

Præsta quæsumus omnipotens & misericors Deus, ut animæ Fratrum, Propinquorum & Benefactorum nostrorum, pro quibus hoc Sacrificium laudis tuæ obtulimus Majestati, per hujus virtutem Sacramenti à peccatis omnibus expiatæ lucis perpetuæ te miserante recipient beatitudinem. Per D. N. J. C.



§. 3tius